

# Vuk'uzenzele



Produced by Government Communications (GCIS)

Siswati/English

| August 2016 Edition 2

## 2016 Elections gets a nod



South Africans came out in numbers to cast their votes in the 2016 Local Government elections

**SANews**

Government is pleased with voting during the 2016 Municipal Elections, which proceeded well.

About 26 million South Africans who registered cast their votes in the 22 612 voting stations situated nationally. This is the fourth local government elections.

President Jacob Zuma said the elections are an indication that South Africa is one of the countries in Africa that is leading in democracy.

"I am pleased our country is a demonstration of how democracy should work," said

the President after casting his vote.

Minister of Cooperative Governance and Traditional Affairs Minister Des Van Rooyen also congratulated the Independent Electoral Commission (IEC) for

delivering yet another election.

"Government applauds the youth, especially the first time voters, for their commitment towards advancing our democracy," said Minister Des Van Rooyen, who is also the chairperson of the Inter-Ministerial Committee (IMC) on Elections.

Over 75 000 police members deployed at polling stations ensured that elections were held in a safe environment.

Government has encouraged all citizens to work together with those elected to public office to strengthen

local government.

Chief Electoral Officer of the IEC Mosotho Moepya said the country should be proud of the achievements.

First-time voter, Israel Mnisi from Soshanguve in Pretoria, said he was excited to cast his vote.

"I have long been waiting for this moment, it's exciting, now I know that I have voted for my community to get better service delivery," he said.

Another community member, who was excited about the day, was Martha Thusi from Soweto who said voting is about honouring the past and reaffirming the country's democratic future.

"I could not just sit and not vote. We might have challenges as a country but after 22 years of freedom - a lot has been done. In my area for example we have most of the basic services. We have schools, clinics, libraries and shopping malls," she said.

Her only wish was that the new councillor continues with the delivery of services.

Despite these, Thusi acknowledged that there were still challenges facing local government but was also of the view that voting is more effective than service delivery protests. **V**



**Better access to medication**

Page 4




**More homes for Etwatwa community**

Page 6

**ICT can help improve SA**

Page 9



President Jacob Zuma casting his vote.

### Voting in numbers

- Over 73 million ballot papers were printed.
- 4 649 unique ballot papers representing political parties and independent candidates.
- A record of 200 parties and 61 014 candidates contested the Municipal Elections. This was approximately 65 percent more parties and approximately 12 percent more candidates than the previous municipal elections held in 2011.

ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za  
www.vukuzenzele.gov.za  
E-mail: vukuzenzele@gcis.gov.za  
Tel: (+27) 12 473 0179

**Free Copy**

# Kufinyelela imitsi kancono

Nonkululeko Mathebula

**M**asinyane nje bantfu baseNingizimu Afrika batawutfolela imitsi yabo kunsita yekutisita bona ngekwebabo njengekusebenta kwe-mishini "lefana nema-ATM" esikhundleni semakhemisi.

Loku kungumphumela wekubambisana kweLitiko Letemphilo kanye neNhlango i-Right To Care.

Nanobe nje isengakethulwa ngalokusemtsetfweni, Lumphiko Lwelikhemisi Lelikhapha Imitsi (i-PDU) leliyincalisakuvela kwamanje liyasebenta eSibhedlela iHelen Joseph, e-Alexandra, eJozi kanye naseSibhedlela iSteve Biko Academic ePitoli.

Inhloso yalobucwepheshe kunciphisa tindvwendvwe letindze bente kancono kwetfulwa kwetinsita, nekubakhona kwenchubo yekunakekela ngetemphilo lesezingeni lelifanele.

Akhuluma ne-Vuk'uzenzele ngesikhatsi avakashele eSi-

bhedlela iHelen Joseph, David Molele, lowenta ema-robotics kanye nekusebentisa luhlelokweni lwangcondvomshini lwe-Right-e pharmacy, utsite lomshini utawuphindze futsi unciphise tinkinga tekulawula.

"Loluhlelo lolwemukelwe ngetandla letifutumele ngulabo lasebake balisebentisa kute kube ngumanje selinciphise sikhatsi sekulindza etikhungweni tembuso.

"Loluhlelo luphindze lwenta kutsi sikhatsi sekulindza ku-

**"Loluhlelo luphindze lenta kutsi sikhatsi sekulindzela kutsatsa imitsi sinciphe sibe semkhatsini wemaminitsi la-15 nalange-20".**

tsatsa imitsi sinciphe sibe semkhatsini wemaminitsi la-15 nalange-20 futsi ngiko kanye loko lesikufunako," kwasho Molele.

Le-PDU isebenta njenge-mshini we-ATM wasebhange. Kute batfole imitsi yabo, ebantfu batawufanela kutsi bacale ngekubhalisa ba-

bhalisele kusebentisa lensita. Kutawubese kulandzela kutsi batfole likhadi lelifanana nelikhadi lasebhange. Kute "bakhiphe" imitsi yabo, bantfu batawufanela kutsi bavele nje bafake emakhadi abo kulomshini we-PDU, bese bafaka i-PIN bakhetse imitsi labayifunako eluhlweni lwemitsi lesetincwadzini tabo tekuncunyelwa imitsi.

Ngekuya kwaMolele, inhloso kutsi lemishini ibe setindzaweni letifanana netikhungo tekutsenga, etindleleni tematekisi kwenta bantfu kutsi batfole kalula imitsi yabo nakubavuma.

Loluhlelo lolusebenta njenge-ATM seluvele lukhona e-Alex Plaza e-Alexandra, Ndofaya Mall eSoweto, kanye naseDiepsloot.

Kutfolela imitsi ngalendlela kwenta kutsi kube lula kubantfu labelashwa Sandvulelangculazi (i-HIV) kutsi batfole imitsi yabo.

Akhuluma kuNkhomfayeNgculazi (i-AIDS) Yemave Emhlaba lesandza kubanjwa eDurban, Indvuna Yetemphi-



Lumphiko Lwelikhemisi Lelikhapha Imitsi litawenta kutsi bantfu batfole tinsita tetemphilo letifanele.

lo Aaron Motsoaledi utsite iNingizimu Afrika ichuba luhlelo lolukhulukati emhlabeni lwekwelapha i-HIV.

"Linani lebantfu labalashwako kuleminyaka lenge-30 lisuke ku-400 000 laya ngetulu kwetigidzi letingu-3.4. Nanobe kunjalo, linani lalabasebenta kunakekela ngetemphilo alimelani nalokukhula,

lokubese kwenta tigulane kutsi tikhungatseke futsi kungabe kusanatfwa nakahle imitsi.

"Kungako-ke kusiphocelela kutsi semukele tonkhe tindlela letikhona tekwenza kutsi kube lula kubantfu kutsi bachubeke nekwelashwa kwabo," kwasho Indvuna Motsoaledi. **V**

## Kunikela ngemnkantja kunikana litsemba

Noluthando Mkhize

**I**-leukaemia yayintjintja kakhulu imphilo yaSibongile Mkhwanazi (loneminyaka lenge-21 budzala) kuleminyaka lesihlanu leyendulule.

Bekahlala namake wakhe eKroonstad, eFreyistata, ngesikhatsi ahlolwa atfolakala kutsi unemdlavuta wengati.

"Imphilo yami yatsatsa lenye indlela. Ngasuka ekubeni yintfombi leyetayelekile ngaba ngulotjelwa kutsi nginesifo lesibulalanako.

"Ngaba nemajiji ebusweni bami futsi bekasacala kuvuvuka. Loku kwenta make wami kutsi afune lusito labodokotela. Ngacala ngaba butsakatsaka kantsi futsi nemsebenti wami wesikole kwatsikameteka ngako-ke ngabese ngiyayekela kuya esikolweni.

Ngemuva kwekutfolakala kutsi une-leukaemia, Sibongile walaliswa esibhedlela tinyanga letisitfupha. Ngalesikhatsi lesi wativa anganatsemba

"Ngatwa ... ngehlukile kunabo bonkhe bantfwana esikolweni sami futsi bengingasakho-

ni nekubeketela kubona make wami asebulungwini lobungaka."

Umnyaka ngamunye tinkhulungwane tebantfu baseNingizimu Afrika titfolakala tine-leukaemia, mdlavuta wengati wake watiwa ngekutsi uyabulalana.

Kulamalanga i-leukaemia yelashwa ngemphumelelo lenkhulu. Loku kushiwo ngu-Dkt. Guni Goolab Umphatsi Lomkhulu weSikimu Setekwelashwa Setisebenti Tahulumende.

Dkt. Goolab utsite kutfutfuka kwemutsi wekwelapha mdlavuta wengati sekundlondlobele kangangekutsi i-leukaemia kanye naletinye tinhlobo temdlavuta wengati atisatsatfwa ngekutsi sifo lesifana nesigwebo sekufa.

"Sibalo sebantfu labasindza ku-lymphocytic ileukaemia leseshisako, mdlavuta lovame kakhulu ebantfwaneni, sisuke ku-3% saya cishe ku-90% kuleminyaka lenge-40 leyendulule ngelusito lwekwelashwa lokukhetsekile njengekufakwa umnkantja, lokusita kutsi kuhlante emaseli emdlavuta emtimbeni wesigulane," kwasho

Dkt. Goolab.

Sibongile usachubeka nekuya kubodokotela bayomhlola futsi bamnike litsemba kanye namake wakhe.

"Bodokotela basandza kungatisa kutsi batfole umuntfu longanginikelela ngemnkantja futsi manje balungisa umtimba wami bawulungiselela kuhlindvwa."

Bantfu labanengi labane-leukaemia, kufakwa iseli yesicu semnkantja kuvamisa kuba ngi-

lo kuphela litsemba lekusindza.

Ngulapha-ke lapho khona tinhlango letifana neSunflower Fund tiba lusito.

ISunflower Fund yinhlangano letimele (yi-NGO) letinikele ekukhuliseni Irejista Yemnkantja yaseNingizimu Afrika (iSABMR) ngekuhlenganisa ikhulise timali tesikhwama letidzingeke kukhokhela tinhlolo tekukucilonga tibuke tinhlobo tematishu kutsi tiyahambelana yini.

Ematfuba ekutfolela umuntfu

lonemnkantja lofanana newakho mancane - kuba ngumuntfu munye kulaba-100 000 longaba nemnkantja lofanana newakho.

Kungako-ke iSunflower Fund isebentela kugcugcutela kutsi bonkhe bantfu baseNingizimu Afrika babhalise ku-SABMR. Kubhalisa kurejista kulula futsi kufaka ekhatsi kutsi utsatfwe isampuli yengati kute kutfole kutsi mhlawumbe ungaba nemnkantja lofanana nesigulane sesikhatsi lesitako.

Sibongile ukhutsate bonkhe bantfu baseNingizimu Afrika kutsi bafundze nge-leukaemia babuye futsi basindzise timphilo.

"Ngitsandza kucela bantfu baseNingizimu Afrika kutsi batfole lwati mayelana ne-leukaemia kute basindzise timphilo tebantfu labanengi."

Kute utfole lwati lolubanti shaya lucingo ushaye iSunflower Fund kulombolo yamahhala: 0800 121 082 kute kutsi ube ngulonganikela, nobe uvakashele [www.sunflowerfund.org.za](http://www.sunflowerfund.org.za).

\*Kubika lokwengetiwe kweSikimu Setekwelashwa Setisebenti Tahulumende.

### Ingabe bewati nje?

- Ngemathisipuni lamabili engati ladzingeke kutsi ubhalisele kuba ngulonganikela.
- Kunikela ngemaseli esicu semnkantja akusibuhlungu kufana nekunikela ngengati.
- Udzinga kutsi ube neminyaka yebudzala lesemkhatsini le-18 nalange-50 futsi ube nesisindvo semtimba lesingetulu kwe-50kg kute kutsi ube ngulonganikela.
- Litfuba lekutfolela umuntfu longanikela ngumuntfu munye (1) kubantfu laba-100 000.
- Munye umuntfu kubantfu baseNingizimu Afrika laba-100 000 utfolakala ane-leukaemia.
- I-leukaemia kukhicitika kwemaseli lalwa netifo langasikahle ngelizinga lelecile lokususa emaseli engati labovu nemasotja emtimba lalwa netifo kanye nema-platelet futsi kwenta umtimba ube butsakatsaka.

## Bantfu base-Etswana bakhelwe letinye tindlu letengetiwe

Nonkululeko Mathebula

**B**ahlali baseCombi-za Extension 35 Etswana, Ekurhuleni, manje sebanikati labatigcabhako betindlu letinesitfunti.

Emalanga ekuhlala emikhukhwini nekuca-sha makamelo emajalidini alabanye bantfu aphela ngesikhatsi Sodolobha waMasipala Welidolobhakati lase-Ekurhuleni lese-kashiya sihlalo Mhlonishwa Mondli Gungubele kanye neLilunga Lelikomidi Lasodolobha leKuhlaliswa Kwebantfu Aubrey Nxumalo betfula tindlu letinge-70 kubahlali bakulenzawo. Akhuluma ngesikhatsi kwetfulwa letindlu Gungubele utsite letindlu tihloniphekile futsi titawunika bahlali sitfunti.

“Njengelidolobhakati siniketa bantfu labafanele letindlu letinsha, njengencye yeluhlelo lwetfu lekwakha tindlu.

“Sihlela kwakha letinye tindlu leti-8 000 ekupheleni

kwalomnyakatimali futsi sicela banikati labasha betindlu kutsi bagcine tindzawo tabo tihlobile futsi bangakhi imikhukhu emajalidini abo,” kwasho yena.

Letindlu tinemakamelo ekulalala lamabili, likamelo

**“Manje sengiyakwati kuhlala endlini yami ngekuthula ngaphandle kwekukhatsateka kutsi kutawentekani emphahleni yami litulu nalina.”**

linye lekugezela, kanye nelikhishi lelivulekile kanye nelikamelo lekuphumula. Labomakhelwane labasha batawuba nemigwaco lefakwe sikontiyela, gezi, inchubo yekuhambisa indle, emapaki eku-ncibebeleka, tinkhulisa kanye nekufinyelela tintfo tetitfutso temmango, njengetikhumulo tematekisi.

Lomunye loftole indlu Petrus Mashego (lone-



**Pertunia Mnyakeni mnikati wendlu lotsakasile. Ubonakala lapha neLilunga Lelikomidi Yasodolobha Aubrey Nxumalo (kancele) naSodolobha waMasipala Welidolobhakati lase-Ekurhuleni Mondli Gungubele.**

minyaka lenge-45 budzala) bekaloku ahlala emkhukhwini iminyaka lenge-22.

“Ngijabula kakhulu, loku kimi kusafanana neliphupho. “Manje sengiyakwati kuhlala endlini yami ngekuthula ngaphandle kwekukhatsateka kutsi kutawentekani emphahleni yami litulu nalina,” kwasho yena

Nxumalo utjele i-Vuk'uze-

nzele kutsi lesinyatselo sihambisana nekufezekisa tetsembiso tahulumende.

“Nasikhetfwa sitsatsa ematomu kuhulumende wasekhaya nga-2011 senta sifungo kubantfu betfu sekutsi tintfo titawugucuka futsi sitawakha imphilo lencono yawonkhewonkhe.

“Ngenca yaloko sesakhe tindlu letingetulu kwaletinge-300 eCombi-

za kanye naletinye tindlu letinyenti letitawetfulwa etindzaweni letehlukene kulo lona lelidolobha. Loku kutawuchubeka nekunika bantfu betfu sitfunti,” kwasho Nxumalo.

Wengete ngelekutsi bantfu lasebakumpensheni, bantfu labakhubatekile kanye nemakhaya laphetfwe bantfwana abekwa embili. **V**

## Tindlu takhelwe bantfu baseThoyane

Thandeka Ngobese

**I**mindeni yaMasipala Wendzawo waseVulamehlo KwaZulu-Natal lebeyikadze incisheke ematfuba manje seyihlala etindlini letikahle letinesitfunti, konke lokhu kungenca yelusito lelweLitiko Letekuhlaliswa Kwebantfu la-KwaZulu-Natal (e-KZN).

Umklamo wetigidzi leti-R161 wetindlu tebantfu baseThoyane usandza kwetfulwa ngu-Mphatsiswatiko weTekuhlaliswa Kwebantfu neweTemisebenti Yahulumende Ravigasen Pillay. Letindlu leti-1 500 tenta incenye lenkhulu Yeluhlelo Lwekutfutukisa Tindlu Tasemaphandleni loluhlose kusombulula tinkinga tekungabikho kwentfutuko, kucinisekisa kutsi kunekudla lokwanele, kweswela imisebenti, buphuya kanye naletinye tintfo tetenhlalo letingahambi kahle, lesetiyintfo yetindzawo tase-maphandleni.

Lomunye lotfole indlu Ntombizonke Maphumulo (loneminyaka lenge-52 budzala) utjele i-Vuk'uzenzele kutsi bekangasebenti futsi angakhoni kutakhela indlu.



**Sodolobha waMasipala waseVulamehlo Mhlonishwa Thabani Dube kanye neMphatsiswatiko weTekuhlaliswa Kwebantfu kanye neTemisebenti Yahulumende Ravigasen Pillay banika Ntombizonke Maphumulo indlu.**

“Ngingumtali loyedvwana lonebantfwana labatsatfu kanye

**“Bengiloku ngiphupha ngekuba nendlu lekahle lenesitfunti ngalelinye lilanga.”**

nemtukulu munye. Bonkhe abasebenti kantsi futsi lona lomncane usangena sikolwa. Siphila ngemali yesibonelelo sesondlo sebantfwana. Sibonga hulumente ngekusinika indlu

lehloniphekile,” kwasho yena.

UMphatsiswatiko Pillay utsite hulumente wesifundza sewakhe letinye tindlu letinyenti letingetulu kwaletinge-800 000 kusukela nga-1994 kantsi futsi sewudale ematfuba etindlu langetulu kwalange-80 000 ngekusebentisa tindzawo letiniketwa tinsita.

“Siyati lapho sichamuka khona kantsi futsi sati kahle kakhulu lapho siya khona. Lohulumende uneluhlelo futsi utinikele kubona loluhlelo luphunyeleliswa ngalokuphelele,” kwasho yena.

Wengete ngelekutsi loMklamo Wekutfutukisa Tindlu Tasemaphandleni eThoyane ukhombise kutinikela kwahulumende ekwakheni emakhaya ekuhlaliswa bantfu lagcinekako.

“Kuleminyaka lemitsatfu letako, kute kube ngu-2019, sitinikele ekuniketeni ematfuba etindlu lasigidzi sinye emindenini lefanele etindzaweni tasemadolobheni netasemaphandleni.

“Siphindze futsi sibe nalomunye umklamo losiwubita ngekutsi nguMklamo We-

kwakhiwa Kwetindlu Tase-maphandleni i-Vulamehlo Ward 5 and 7. Lomklamo wetigidzi leti-R215 utawuzuzisa bantfu laba-2 000 kulamawadi lamabili.”

Lomunye lotfole indlu Nomvula Nzimakwe (loneminyaka lenge-47 budzala) utjele i-Vuk'uzenzele kutsi ekugcineni liphupho lakhe selite lafezeka. “Bengiloku ngiphupha ngekuba nendlu lekahle lenesitfunti ngalelinye lilanga.” Sengihleti kulomkhukhu iminyaka le-10. Litulu nalina bengivamisa kulala emantini. Luphahla beluvuta yonkhe indzawo. Siyambonga hulumente ngalendlu lebuyisa sitfunti semndeneni wami, “kwasho yena.

Umklamo Wekutfutukisa Tindlu Tasemaphandleni eThoyane ubuye futsi waveta ematfuba emisebenti langetulu kwe-400. Sodolobha waMasipala wase-Vulamehlo Mhlonishwa Thabani Dube utsite hulumente uyatifeza tetsembiso takhe.

“Bonkhe bantfu labafanelekile kutsi batfole tindlu batatitfoli. Lesi sigaba sekucala salomklamo futsi sigaba sesibili sisendleleni njengobe i-MEC isho,” kwasho yena. **V**